

Landesbibliothek Oldenburg

Digitalisierung von Drucken

**Dōdekaphrēton, Sive Theologia Prophetica, Ex Vatisbus
XII. Minoribus Secundum Seriem Articulorum Fidei**

Majus, Johann Heinrich

Giessæ Hassorum, Anno MDCCIII

VD18 11197021

Locus IV. De Angelis.

urn:nbn:de:gbv:45:1-17399

quasi ducentes adclamant: *Nonne Deus unus creavit nos omnes?* Mal. II, 10. Complectitur autem creatio omnia visibilia & invisibilia, quorum respectu Deus passim Dominus exercituum dicitur, & speciatim memorantur Angeli, homines, montes, ventus &c. Mundus igitur ab æterno non fuit, nec Propheta Habac. III, 6. æternitatem, sed durabilitatem montium respicit. In quoniam Creatio propriæ Formæ. Objectum.

consistat, ex dictis colligi potest. Cum enim בָּרַךְ indigit productionem ex nihilo, facile intelligitur, creationem esse opus immensæ potentiae. Certis verò gradibus & ordine hoc divinum opus absolvit, ut & sapienti distinctione ac dispositione, eleganti exornatione & perfecta consummatione, itidem ex verbis Synonymis supra expressis, efficitur, & è Mose, quem Vates respiciunt, suppleri debet. Atque hinc etiam Finis Creationis patet. Nimirum devoto animo creationis opera sunt expendenda, ex iisque Deus, quam bonus, potens & sapiens sit, cognoscendus & glorificandus. Hoc sæpius Vates inculcarunt, ac eo nomine gratis beneficiorum æstimatoribus benedictionem, Joël. II, 22. ss. Zach. VIII, 11---15. obliviosis autem vel abnegatoribus benedictionis ablationem, & maledictionis immissionem nunciarunt. Hos. II, 5. 10. 11. 14. 23. 24. IV, 3. VIII, 7. 14. IX, 2. Joël I, 4. seq. Amos IV, 6. 7. 8. 9. V, 11. Mich. VI, 14. 15. Sophon. II, 15. Hagg. I, 6. 10. 11. Malach. II, 2. Abusum etiam creaturarum in commissationibus & compotationibus &c. subinde taxarunt, Hos. IV, 11. VII, 3. Amos IV, 1. VI, 4.

LOCUS IV. *De* ANGELIS.

§. I.

DE Angelis non pauca nostri Vates, in primis Zacharias, habent. Etymologia. Eorum nomen est ἄρχοντες à radice obsoleta ἄρχειν quæ tamen apud Aethiopes & Arabes hodienum in usu est, & mitendi significationem habet, non tantum ad servitium, sed etiam ad principatum. Unde in Aethiop. lingua hæc ipsa vox *Principem* quoque notat, & Ludovicus de Dieu rectè censet, ἀρχής καριθητίς ἄρχοντα *Principem* fœderis Mal. III, 1. reddi posse. Nam in priore membro illius commatis ἀρχῶν *Dominus* dicitur. Conf. J. Ludolf. in Lex. Aethiop. p. 21. Ita non indignum est hoc

nomen



nomen *Filio Dei*, qui s̄epissimè Angelus appellatur, vel simpliciter ut Hos. XII. 5. Zach. I, 13. 14. II, 2. 7. III, 3. IV, 1. 4. 5. V, 5. 10. VI 4. 5. vel *Angelus Domini* Zach. I, 9. 11. 12. III, 1. 5. 6. *Angelus fæderis* Mal. I. c. Quæ loca de *Filio Dei* esse intelligenda, alibi afferuimus. De creaturis occurrit nomen *Angeli*, & quidem usitate de spiritu administratoriis, (ut ex fine eorum patebit) de *hominibus* etiam interdum adhibetur, ut *nuncius s. Dei*, *s. hominum*: de his, Hab. II, 13. de illis, pro *Doctoribus* verbi, de Prophetis Hagg. I, 13. de Sacerdotibus Mal. II, 7. de Johanne Baptista, Mal. III, 1. conf. Math. 2, 10. Ex quibus constat, tantum de *personis* non autem de *rebus*, vocabulum *Angeli* adhiberi; et si Chaldaei pestem per periphrasis *Angelum mortis* vocent, uti Hab. III, 4. in Targum: ubi tamen persona, quæ pestem immisit, includitur.

Angel. bonorum naturae.

§. II. Verum cum *Angeli boni* & *mali* sint, de utrisque distingue agendum est. *Boni* sunt ratione essentiae, *Spiritus* creati tales, permanentes & confirmati, quod ex actionibus & ministeriis bonis, quæ bono hominum obeunt, dilucide constat. Et quia *Spiritus* sunt, ceu ex nomine & comparatione eorum cum *quatuor ventis* constat, Zach. VI, 5 proprietates ex hac spiritualitate eorum, *velocitas*, *invisibilitas*, *illokalitas* &c. fluunt.

Attributa.

Intellectus.

Voluntas.

Potentia.

Finis creat. Angel.

Ut autem suum officium peragant, in forma quandoque assumta apparent, Zach. I, 8. VI 2. seq. *Sancti* dicuntur, Zach. XIV, 5. non quod eorum sanctitas essentialis, sed accidentalis sit, quia excidere eadem potuerunt. *Intelligentes* sunt, ita ut intellectus de ipsorum essentia sit. Operationes enim ab intellectu proficentes in Zachar. passim illis tribuuntur, sine quo nec ministri, aut nuntii Dei esse potuissent, v. g. cognitio, quid rerum in universo terratum orbe agatur cap. I, 14. mandatorum divinorum intelligentia ac executio, II, 8. III, 4. 5. VI, 7. Sic Angelus aliquis cognoscit Angelum increatum Christum, eique in occursum venit, II, 7. *Vi* insuper volendi Angelos præditos, ex eorum obedientia, & prompta parataque mandatorum Dei executione colligitur, Zach. I, 11. III, 5. VI, 7.

Potentia, (quæ tamen finita & dependens est) ex operibus ab illis perfectis, rebusque præclare gestis, Zach. VI, 8. elucet. Huc facit *visio equorum fortium*, *s. equitum* Angelorum virtute Dei exercitorum, Zachar. VI, 1. Diversa Angelorum officia, diversus ac varius equorum *s. equitum* Angelorum color indicat, Zach. VI, 2. 3. 6.

(α) Deo

SELIGER

(α) *Deo ministrant.* Ita Christus stipatus equis s. Angelis conspicitur, proximus.
 Zach. I, 8. qui stare dicuntur coram Dominatore totius terræ. IV, 14.
 Ubi sane stare idem est ac ministrare, conf. III, 1. 4. 7. VI, 5. XIV, 5.
 (β) *Hominibus adfistum,* quorum respectu Angelis cura & custodia
 convenit; in primis pios peculiariter custodiunt, Zach. I, 10. VI, 1. 5.
 6. 7. Non tamen cuivis hominum unum peculiarem Angelum tu-
 telarem adjunctum esse, certum est. Plures sane Angeli Iosuæ pro-
 mittuntur, qui eundem deducant, Zach. III, 7. In Ecclesia piis cum-
 primis inserviunt. Zach. VI, 8. (γ) *Diabolo resistunt,* quod Zach. VI, 1.
 quatuor currus (quibus ministerium Angelorum denotatur, conf. Ps. 18,
 11. & 68, 18.) indicant, qui, in quatuor mundi plagas (conf. V, 5. 6. 7.)
 egrediuntur, & circumquaque pacem tuentur, diaboloque ac mundo
 resistunt. Conf. Apoc. 14, 15. seq. Finis denique creationis Angelo-
 rum est, ut æterna tandem felicitate perfruantur. Si Angeli coram
 Dominatore totius terræ stare dicuntur, Zach. IV, 14. &c utique se-
 quitur, quod eorum felicitas in intuitiva Dei cognitione consistat, qua
 omnia, quæ actu & formaliter in Deo sunt, cognoscunt, Deoque tan-
 quam summo bono fruuntur. Numerus denique Angelorum admo-
 dum magnus, unde Zach. IX, 8. *Castra* vocantur: non autem à nobis
 definibilis est. Illud insuper ex ministerio, quod Deo & tot homi-
 num myriadibus præstant, nullo negotio colligitur.

¶ III. *Angelorum etiam malorum mentionem* Vates nostri fa-
 ciunt, Zach. XIII, 2. promittit inter alia Deus, se spiritum immundicie de-
 terra ablaturum; sic *demonia* vocari, recte *Grotius* h. l. observat & ci-
 tatis bene multis locis è N. T. probat. Impurus autem s. malus spi-
 ritus est, non quod talis creatus fuerit, sed quod sponte à concreata
 sanctitate defecerit, impuritatem deinceps introduxerit in homi-
 nes eosque seduxerit. Hinc quævis impuritates spiritus dicuntur,
 quia ab imparis spiritibus proveniunt. Ita v. g. *spiritus fornicationis*
 est, Hos. IV, 12. tam qui ad fornicationem spiritualem, quæ idolola-
 tria est, tam ad corporalem impellit. Notum & ubique obvium est
 nomen πύριον quod descendit à verbo πύριον adversari, quia Deo &
 homini adversatur, & omni bono operi, ut Hieronymus ait, resistit.
 Hæcque nominatio haud obscurè insinuat Zach. III, 1. Ex qui-
 bus nominibus pleraque ad malorum Angelorum naturam & opera
 spectantia colligi possunt. Valet hic illud Pauli de Diabolis, Tit. 1, 15.

D

Paris

Angel. ma-
lorum na-
tura.

Numerus.

ultimus.



Numerus. Puris omnia pura sunt: Pollutis autem s. impuris nihil purum, sed polluta est ipsorum mens & conscientia. Quare & mens & voluntas & affectus Satanæ omnes impuri sunt. Impuras etiam cogitationes inspirat vel suggerit hominibus saepe, & ad actiones fœdas patrandas eos seducit; quod pro sua astutia & potentia, qua pollet facile potest: Sed tamen restricta est ejus vis & per Christum fracta, ut Zachar. loc. cit. futurum prædixit tempore Novi Testamenti. Magnum impurorum & adversiorum spirituum numerum esse, vel ex innumeris impuritatibus & bonorum obstaculis, ab iis profectis manifestum est.

LOCUS V.

De

HOMINE IN IMAGINE DEI
CONDITO.**Causa effi-**
cicns.

Drum esse Creatorem omnium hominum, Malach. II, 10. testatur his verbis: *Nonne Deus unus creavit nos?* & v. 15. *Nonne unus ictil. Deus fecit?* & *reliquum Spiritus ei fuit.* Itareddit Steph. le Moyne ad Polycarpi Ep. p. 107. Dum vero unus dicitur Deus Creator, non excluduntur plures personæ, sed ex historia Creationis supponuntur atque intelliguntur, Gen. I, 26. 27. Respicit enim hic Propheta ad creationem hominis in imagine Dei, quemadmodum ex contextu & verbis sequentibus Malach. evidens est: *Nonne Deus unus creavit nos,* quare perfide ageremus quisque contra fratrem suum? In creatione inditus est hominibus amor sanctus & divinus, quem servare oportebat, non indulgere concupiscentiis aut vagis libidinibus. Tametsi igitur post lapsum id fiat, tamen renovari debemus & reformari ad imaginem Dei. Creavit etiam Deus hominem l. c. 15. *quæsturum semen Dei,* i.e. justum & sanctum. Unde homo justus & sanctus fuit conditus, alioquin enim semen Dei querere & propagare non potuisset. Atque **Subj. ctum.** hinc etiam liquet, (1.) hominem ratione utriusque sexus & totum genus humanum in Protoplæstis ad imaginem Dei esse conditum, quoad corpus & animam; quia querere debebat semen Dei & propagare. (2.) **Forma.** Imaginem illam constitisse in *sancitate, justitia & veritate,* sicut alibi Scriptura eam explicat, Eph. IV, 24. & Vates etiam ad cognitionem veram vivamque Dei, justitiam &c. subinde excitant homines, Hos.

XIII.